

Cronica y fotos manifestación "Aragón trilingüe"

A ENRESTIDA :: 20/05/2009

Coordinadera "Aragó és trilingüe"

O sabado 16 de Mayo se faciÓ a primera manifestación de reivindicación d'una millora d'a situaciÓn d'as luengas d'Aragón. Feito historico, pues en más de mil anyadas d'existencia de l'aragonés y d'o catalán en Aragón, mai no s'en eban feitas. Y sisquiá que nunca no se tenese que aber feita, pues significaría que os fabladors d'istas luengas tienen os dreitos que les pertocan.

Arredol de mil personas nos achuntemos en Glorieta Sasera y marchemos enta l'Aljafería a traviés d'o Paseyo Pamplona y María Agustín dica plegar ta l'Aljafería, amostrando intrés por iste patrimonio cultural y arroclando-nos internament. Sin duda, un feito significativo.

Dimpués, en o quiosco de l'Aljafería chentemos y brendemos, amenizaus con actuacions ludicas, mosica y a obra de teyatro "o yayo volador", interpretada de traza sobrebuena por a colla de teyatro "Algabenaires".

Sin dandolo, o desembolique d'un acto de traza tan buena por parti de totz, amostrando nomás intrés cultural, fa honra ta saber que pueden fer-se-ne sin garra mena de medrana, y soi seguro de que continarán fendo-se-ne.

https://www.lahaine.org/mm_ss_est_esp.php/cronica-y-fotos-manifestazion-aragon-tri